



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

54. Nuper pro parte &c. Confirmatio Decreti Sacræ Congregationis
Episcoporum, & Regularium, quo sancitur servari solitum in electione
Provincialium Provinciarum S. Antonii, & S. Crucis Ordinis ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

per viam contractus, & remunerationis, sub quibuscumque verborum tenoribus, & formis, ac cum quibusvis etiam derogatoriis derogatoriis, aliiisque efficacioribus, efficacissimis, & insolitis clausulis, irritantibusque, & aliis decretis, etiam motu, scientia, & potestatis plenitudine paribus, ac consistorialiter, & aliis quomodolibet in contrarium præmissorum concessis, editis, factis, ac pluries iteratis, & quantivocumque vicibus approbatis, confirmatis, & innovatis, etiam continentibus, quod excommunicari non possint per literas Apostolicas non facientes plenam, & expressam, ac de verbo ad verbum de privilegiis, & indultis hujusmodi mentionem.

§. 5. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata exprimerentur, & infererentur, præsentibus pro plenè, & sufficienter expressis, & insertis habentes, illis aliis in suo robore permanentibus, ad præmissorum effectum hac vice dumtaxat specialiter, & expressè derogamus, ac derogatum esse volumus, cæterisque contrariis quibuscumque. Volumus autem, ut eorumdem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides tam in Judicio, quam extra illud ubique adhibeatur, quæ ipsis præsentibus adhiberetur, si forent exhibitæ, vel ostensæ, Dat. in Arce Gandulphi Albanen. Diocesis sub Annulo Piscatoris die xviii. Junii MDCCXII. Pontificatus Nostri Anno Duodecimo.

F. Oliverius.

CONFIRMATIO

Decreti Sacræ Congregationis Episcoporum, & Regularium, quo sancitur servari solitum in electione Provincialium Provinciarum S. Antonini, & S. Crucis Ordinis Prædicatorum in Indiis Occidentalibus, hoc est, admitti ad ferendum suffragium Priores Domorum, seu Conventuum, ubi minus etiam, quam quatuor Fratres degunt, non obstante Brevi contrario Pauli V., & aliis quibuscumque.

CLEMENS PAPA XI.

Ad futuram rei memoriam.

Nuper pro parte Dilecti Filii Didaci de Herrera Lobaton Fratris expressè Professi Ordinis Prædicatorum, Procuratoris Provinciarum S. Antonini novi Regni Granatensis, & Sanctæ Crucis ejusdem Ordinis in Indiis Occidentalibus, Congregationi Venerabilium Fratrum nostrorum S. R. E. Cardinalium negociis, & consultationibus Episcoporum, & Regularium præpositæ exposito, quod inconcussa, & inveterata praxis in dictis Provinciis semper vigerat, ut licet ab eorum Conventibus, seu Domibus exiguis, nempe duorum, trium, vel quatuor Religiosorum numerus aleretur, & in aliqua ex Domibus hujusmodi unus tantum Religiosus nomine Prioris habitare, eo quia aliquot ex dictis Domibus pro Doctrinis, seu Parochiis ad instructionem Populorum

illarum partium destinatae erant; nihilominus Domorum præfatarum Priores, seu Vicarii votum, sive suffragium in eorum Capitulis Provincialibus semper tulerant, ac in electione proprii Prioris Provincialis, tanquam legitimi Vocales habiti fuerant, quemadmodum dicta praxis approbata, & præscripta reperiebatur ad formam propriarum Constitutionum à diversis Romanis Pontificibus Prædecessoribus nostris, videlicet à sel. rec. Clemente PP. VII. Prædecessore nostro vigore quarundam suarum literarum in simili forma Brevis die xi. Julii MDXXXIII. expeditarum; ac à rec. mem. Paulo PP. III. itidem Prædecessore nostro per binas suas itidem in forma Brevis, primas quidem sub Dat. x. Aprilis MDXL. in quibus per sequentia verba disponebatur, id est: & quatenus Domus, & Loca ejusdem Ordinis duodenarium numerum Fratrum non habuissent, & numerum quatuor Fratrum hujusmodi dumtaxat continuissent, illarum voces pro electione hujusmodi Prioris Provincialis juxta earundem Constitutionum formam sufficerent: alteras verò literas hujusmodi sub Dat. primâ Januarii MDXLVI. per infra-scripta verba inalegebatur: ut dictarum Domorum Vicarii, etiam si in eis minus, quam quatuor Fratres extitissent, vocem in electione dicti Prioris Provincialis haberent.

§. 1. Præterea idem colligebatur ex quibusdam aliis præ mem. Gregorii PP. XIII. similiter Prædecessoris nostri, Idibus Julii MDLXXX. sub plumbo signanter ad favorem memoratæ Provincie S. Antonini expeditis literis; & denique per alias rec. pariter mem. Alexandri PP. VII. itidem Prædecessoris nostri die viii. Novembris MDCLXIV. in eadem formâ Brevis expeditas literas statuebatur, & ordinabatur, ut eorumdem Priorum electiones in Capitulo Provinciali fierent; si verò electio extra Capitulum Provinciale facienda esset, illa per vota, sive suffragia secreta à Priore Provinciali una cum duodecim aliis Religiosis antiquioribus, ac in Conventu Principali fieret; ipsique Priores postea d. votum, sive suffragium in Capitulo præfato liberè ferre possent.

§. 2. Porro, hoc minime obstante, sæpe prætentum fuerat, illam electionem Prioris Provincialis fuisse nullam, quæ celebrari contigisset in aliqua ex dictis Provinciis cum voto, sive suffragio Priorum, seu Vicariorum Domorum, seu Conventuum, in quibus non alebatur saltem octo Religiosorum numerus juxta præscriptum quarundam literarum similis me. Pauli PP. V. etiam Prædecessoris nostri die 23. Septembris MDCXI. in simili formâ Brevis pariter expeditarum, per quas statuebatur, ut Conventus præfati, qui numerum octo Religiosorum sustentare non potuissent, supprimi deberent; Si verò id executioni demandari non valuisset, Regulares ad alios Conventus, seu ad alias Domos Regulares transferrentur: Ita ut in partibus Indiarum non reperiretur Monasterium, aut Regularis Domus, in quò, seu qua minor numerus octo Monachorum, seu Fratrum regularem vitam duceret; & aliis prout in suprascriptis Clementis, binis Pauli III., Gregorii, Pauli V., & Alexandri Prædecessorum præfatarum expeditis literis, quarum tenores præsentibus pro expressis, & insertis haberi volumus, uberius dicebatur contineri; & in eadem expositione subjuncto, quod memorati Pauli V. Prædecessoris literæ aliis suprascriptis, & præ cæteris illis ejusdem Alexandri Prædecessoris literis, quæ posterius emanarunt, adversabantur, minusque ejusmodi Pauli V. Prædecessoris literæ, quarum executio arbitrio Episcoporum tunc in eisdem partibus existentium commissa fuerat, ut si ita pro Divini Cultus augmento,

Referuntur
Brevis Pontificia ea de
re statutaria.

Fides habenda Transumptis.

Dat. 18. Junii 1712.

LIV.

Status controversia.

In Provinciis S. Antonini, & S. Crucis Priores Domorum, ubi nullus alius Religiosus degerebat semper suffragium tulerunt in

& Regularis Disciplina observantia expedire judicassent, super quo eorum conscientia onerabatur, ab eis executioni minimè demandata reperiebantur, ac ex diurna experientia compertum fuerat, quod eisdem Pauli V. Prædecessoris literæ tunc producebantur, quando prætendentes agnoscebant, se, votum ferentibus, vel non ferentibus dictis Prioribus, posse includi, vel excludi; adeò ut hoc tantum tenderet ad perturbandas dictas Provincias, & ad fovendas continuas discordias inter Religiosos, & ad validandam, vel annullandam ad proprium libitum electionem. Proindeque eidem Congregationi Cardinalium supplicato, ut ipsa circa præmissa solitum juxta antiquam praxim Ordinis, & Provinciarum præfatarum servari mandaret, nempe, ut præfatis Pauli V. Prædecessoris literis minimè obstantibus, Domus, seu Conventus, in quibus, tametsi numerus octo Religiosorum non aleretur, vel sustentaretur, in pristino ejus statu conservarentur, attentà spirituali utilitate, quæ ex assistentiâ, & fervore memoratorum Religiosorum in instruendis in mysteriis Fidei Populis earundem Partium proveniebat, prout Venerabilis Frater modernus Archiepiscopus Sanctæ Fidei in eisdem Indiis præfate Congregationi Cardinalium retulerat, ac insuper, ut hujusmodi Domorum, seu Conventuum Priores, & Vicarii voce, sive suffragio in electionibus Priorum Provincialium in posterum gaudere deberent: Itant electiones juxta tenorem Clementis, Pauli III., Gregorii, & Alexandri Prædecessorum præfatorum literarum exinde faciendæ, pro validis, & canonicis haberentur: Emanavit ab eadem Congregatione Decretum tenoris, qui sequitur, videlicet: Sacra Congregatio Eminentissimorum, & Reverendissimorum Sanctæ Romanæ Ecclesiæ Cardinalium negociis, & consultationibus Episcoporum, & Regularium præposita, ad quam Sanctissimus Dominus Noster supplicem hunc libellum remisit, audito Patre Magistro Generali Ordinis, referente Eminentissimo de Abdua, censuit, ac decrevit, servandum solitum, non obstante enunciato Brevis Pauli V., & aliis quibuscumque, Romæ x. Junii MDCCXII.: G. Cardinalis Carpineus: F. Arch. Nicæus Secret. Locus † sigilli.

§. 3. Cum autem, sicut dictus Didacus Nobis subinde exponi fecit, ipse Decretum hujusmodi, quo firmius subsistat, & servetur exactius, Apostolicæ confirmationis nostræ patrocinio communiti plurimum desideret: Nos ipsius Didaci votis hac in re, quantum cum Domino possumus, favorabiliter annuere volentes, eumque à quibusvis excommunicationis, suspensionis, & interdicti, aliisque Ecclesiasticis sententiis, & pænis, à jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, Decretum præinsertum autoritate Apostolica tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis autoritate memoratæ Congregationis Cardinalium.

§. 4. Decernentes easdem præsentibus literas semper firmas, validas, & efficaces existere, & fore, suoque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit, in omnibus, & per omnia plenissime suffragari, & ab eis respectivè inviolabiliter observari; sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane, si secus super his à quoquam quavis autoritate

scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, nec non, quatenus opus sit, Provinciarum, & Ordinis præfatorum, etiam juramento, confirmatione Apostolicâ, vel quavis firmitate aliâ roboratis statutis, & consuetudinibus, privilegiis quoque, indulgitiis, & literis Apostolicis in contrarium præmissorum quomodolibet concessis, confirmatis, & innovatis: Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque. Volumus autem, ut præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Dignitate Ecclesiastica constitutæ munitis, eadem prout fides adhibeatur, quæ adhiberetur ipsis præsentibus, si forent exhibitæ, vel ostensæ. Datum Romæ apud S. Mariam Majorem sub Annulo Piscatoris die secunda Julii MDCCXII. Pontificatus Nostri Anno Duodecimo.

F. Oliverius.

C O N S T I T U T I O

L V.

Qua Conventus S. Lucie in Monte Civitatis Neapolitanæ, & Hospitium S. Petri de Alcantara Provincia Neapolitanæ reuniuntur, & reannectuntur Provincia S. Petri de Alcantara in Regno Neapolitano, eorumque dismembratio antea facta extinguitur, & aboletur.

C L E M E N S P A P A X I .

Ad perpetuam rei memoriam.

Circumspecta Romani Pontificis providentia exigit, ut quæ alias pro reducenda inter Religiosos Viros pace, & tranquillitate provide, prouderetque constituta, & ordinata fuerunt, si mutatis rerum, temporumque circumstantiis regulari disciplina, & observantia detrimentum adferre noscantur, in pristinum, ac debitum statum restituat, sicut conspicit in Domino salubriter expedire. Alias siquidem per Nos accepto, quòd inter Dilectos Filios Fratres Neapolitanos, & Hispanos Provincia Sancti Petri de Alcantara in Regno Neapolitano Fratrum Discalceatorum Hispaniæ Ordinis Minorum Sancti Francisci de Observantia nuncupatorum plures controversiæ exortæ reperiebantur, sicut nequibat, ut dicti Fratres habitatione, & rerum communione conjuncti, animis, & contrariis studiis non dissident, ac proinde expediebat eos ab invicem segregari: Nos motu proprio, ac ex certâ scientiâ, & maturâ deliberatione nostris, deque Apostolicâ potestatis plenitudine, Conventum Sanctæ Lucie de Monte nuncupat. Civitatis Neapolitanæ, & Hospitium dicti S. Petri de Alcantara loci de Portici dictæ Provincia Neapolitanæ. Dicte ab eadem Provincia perpetuò separavimus, & dismembravimus, illaque sic separata, & dismembrata Provincia ejusdem S. Petri de Alcantara Regni Castellæ Fratrum Discalceatorum dicti Ordinis iudem perpetuò univimus, anneximus, & incorporavimus. Volentes, & ordinantes, ut in illis Religiosi Hispani, qui deinceps Ministro Provinciali secundodictæ Provincia pro tempore existentibus subiecti essent, habitarent, & collocarentur, alii verò primodictæ Provincia Conventus,

Procemium.

Pontifex ad tollenda diffidia inter Conventum Sanctæ Lucie de Monte & Hospitium S. Petri de Alcantara dismembraverat à Provincia Neapolitana, eaque perpetuò univert Provinciam S. Petri de Alcantara Regni Castellæ,

Sacra Congregatio decernit servari solitum non obstante contrario Brevis Pauli V. & aliis quibuscumque.

Pontifex eisdem Decretum confirmat cum clausulis consuetis.

qui